

Lescha da taglia dalla vischnaunca da Laax

sa basond sin la lescha davart las taglias communalas e davart las taglias da baselgia dal chantun Grischun

I. Disposiziuns generalas

Art. 1

¹ La vischnanca da Laax incassa las suandantas taglias tenor las Object disposiziuns dal dretg chantunal:

- a) ina taglia sin las entradas e sin la facultad;
- b) ina taglia sin il gudogn tras la vendita da bains immobigliars;
- c) ina taglia supplementara ed ina taglia penala sco er multas disciplinaras;
- d) ina taglia sin midada da maun;
- e) ina taglia sin immobiglias.

² La vischnanca da Laax incassa las suandantas taglias tenor questa lescha:

- a) ina taglia sin la part d'ierta ed ina taglia sin donaziuns;
- b) ina taglia da chauns.

³ La vischnanca da Laax incassa plinavant las suandantas taglias tenor la legislaziun speziala:

- a) ina taxa da cura;
- b) ina taxa per promover il turissem.

Art. 2

Uschenavant che questa lescha na cuntegna naginas regulaziuns, Dretg
vegnan applitgadas las disposiziuns da la lescha davart las taglias subsidiar
communalas e davart las taglias da baselgia sco er da la lescha
chantunala da taglia conform al senn.

II. Dretg material

1. TAGLIA SIN LAS ENTRADAS E SIN LA FACULTAD

Art. 3

Pe da taglia ¹ La taglia sin las entradas e sin la facultad vegn incassada en ina procentuala da la taglia chantunala simpla.

² La radunanza communal fixescha il pli tard il december il pe da taglia per l'onn fiscal suandant.

2. TAGLIA SIN MIDADA DA MAUN

Art. 4

Tariffa da taglia La taglia sin midada da maun importa 2 pertschient.

3. TAGLIA SIN IMMOBIGLIAS

Art. 5

Tariffa da taglia La taglia sin immobiglias importa 1 promil.

4. TAGLIA SIN LA PART D'IERTA E SIN DONAZIUNS

Art. 6

Object e fixaziun ¹ A la taglia sin la part d'ierta e sin donaziuns è suttamess mintga augment da facultad che effectuescha la taglia chantunala sin il relasch respectivamain sin donaziuns.

² Las valurs da facultad ch'èn suttamessas a la taglia e la fixaziun da la taglia sa drizzan tenor las prescripziuns dal dretg chantunal.

³ Sche l'assegnaziun consista d'ina giudida u d'ina prestaziun regulara, è la valur chapitalisada decisiva per la taxaziun.

Art. 7

Subject da taglia Obligà da pajar taglia è il retschavider da l'assegnaziun, sche

a) il testader respectivamain il donatur aveva domicil en la vischnanca da Laax il mument da sia mort respectivamain il mument dal pajament da l'assegnaziun; exceptada è quella

part da l'augment da facultad che consista da bains immobigliars che n'èn betg situads sin il territori communal;

- b) l'assegnaziun exista en bains immobigliars sin il territori communal u en dretgs reals vi da tals.

Art. 8

Libers da la taglia sin la part d'ierta e da la taglia sin donaziuns èn: Liberaziun
subjectiva
da taglia

- a) il conjugal survivent;
- b) las partenarias registradas ed ils partenaris registrads;
- c) ils descendents, ils uffants figliasters ed ils uffants confidads sco er lur descendents;
- d) las personas ch'èn liberadas da la taglia sin midada da maun tenor il dretg chantunal;
- e) ils partenaris da concubinat;
- f) ils geniturs.

Art. 9

¹ Per calcular la taglia vegnan deducids:

Calculaziun
da la taglia

- a) da las assegnaziuns a personas basegnusas Fr. 14'000.—;
- b) da mintga outra assegnaziun Fr. 7'000.—.

² Ils imports fixads en l'alea 1 èn indexads.

³ En cas d'ina obligaziun parziala da pajar taglia vegnan las deducziuns concedidas proporziunalmain.

⁴ En cas da pliras assegnaziuns al medem retschavider tras la medema persona po l'import liber da taglia vegnir pretendì mo ina giada entaifer ina perioda da tschintg onns.

⁵ La taglia importa:

- a) per il tschep dals geniturs 3 pertschient;
- b) per il tschep da tat e tatta 6 pertschient;
- c) per las ulteriuras personas benefiziadas 15 pertschient.

Art. 10

Incassament
e
responsabla
dad

¹ La taglia sin la part d'ierta sto vegnir pajada or dal relasch avant sia repartiziun e vegn incassada per tut ils ertavels sco er per tut ils legataris en ina giada.

² Plirs retschaviders d'assegnaziuns stattan solidaricamain buns per la taglia fin a l'import da lur augment da facultad.

³ L'administratur da l'ierta che vegn numnà uffizialmain u che vegn convocà dals ertavels e l'executur dal testament stattan buns solidaricamain per la taglia fin a l'import dal relasch sco tal.

5. TAGLIA DA CHAUNS

Art. 11

Object da
taglia

Per mintga chaun ch'è pli vegl che trais mais e che vegn tegnì sin territori communal sto vegnir pajada ina taglia.

Art. 12

Subject da
taglia

Obligà da pagar taglia è il possessur dal chaun, il qual è er obligà d'annunziar ses animals a la vischnanca entaifer 30 dis.

Art. 13

Liberaziun
da taglia

Libers da pagar la taglia da chauns èn:

- a) chauns da polizia;
- b) chauns da lavina;
- c) chauns per tschorvs sco er per surds ed impedi.

Art. 14

Calculaziun
da la taglia

¹ La taglia importa per l'emprim chaun 50.00 francs, per mintga ulteriur chaun en la medema chasada 150.00 francs per onn. La suprastanza communal po adattar questas tariffas a la chareschia.

² Sch'il chaun na vegn betg tegnì durant l'entir onn sin il territori communal, vegn debitada la taglia mo pro rata, almain dentant per trais mais.

³ La taglia sto vegnir pajada annualmain cur ch'i vegn retratga la marca da chauns.

III. Dretg formal

1. AUTORITADS

Art. 15

La suprastanza communal decide:

Suprastanza
communal

- a) davart dumondas da levgiament fiscal;
- b) davart la participaziun a convegnas da dretg reciproc dal chantun en chaussas da taglia sin l'ierta e sin donaziuns.

Art. 16

¹ L'execuziun da questa lescha è chaussa da l'uffizi communal da taglia, uschenavant che la vischnanca è cumpetenta per quai.

Uffizi
communal
da taglia

² L'uffizi communal da taglia è ultra da quai cumpetent per l'execuziun da las incumbensas che la lescha chantunala da taglia ha surdà a las vischnancas.

³ La vischnanca po delegar a terzas personas sias incumbensas tenor ils alineas 1 e 2.

Art. 17

¹ La vischnanca da Laax sa delegar la taxaziun dallas taglias communalas ad in'allianza encunter indemnisaziun, aschilunsch ch'igl ei buca sclaus pervia dil dretg surordinau.

Ulteriuras
autoritads

2. INCASSAMENT

Art. 18

¹ Las taglias sin las entradas e sin la facultad scadan la fin da l'onn fiscal.

Scadenza

² La scadenza da la taglia sin immobiglias sa drizza tenor las taglias directas, sch'ella vegn incassada ensemen cun quellas.

³ La scadenza da la taglia sin il gudogn tras la vendita da bains immobigliars sa drizza tenor il dretg chantunal.

⁴ Las ulteriuras taglias sco er las multas disciplinaras scadan cun la facturaziun.

⁵ A la fin da l'obligaziun da pajar taglia en Svizra u a chaschun da la decleraziun da concurs scada mintga taglia u mintga multa immediatamain.

Art. 19

Termin da pajament

¹ Las taglias e las multas disciplinaras ston vegnir pajadas – cun resalva da l'alineia 2 e 4 – entaifer 90 dis dapi che la scadenza ha cumenzà.

² Il termin da pajament da la taglia sin il gudogn tras la vendita da bains immobigliars sa drizza tenor il dretg chantunal.

³ La taglia sin immobigliars che vegn incassada separadamain sto vegnir pajada entaifer 30 dis dapi che la scadenza ha cumenzà.

⁴ Las taglias sin las entradas e sin la facultad sco er la taglia sin immobigliars che vegn incassada ensemen cun quellas ein da pagar entochen ils 30 da zercladur digl onn sequent a l'onn da taglia. La suprastanza communal sa prevair il pajament en duas ratas.

³ A la finiziun da l'obligaziun da pajar taglia en Svizra u a chaschun da la decleraziun da concurs sto mintga taglia u mintga multa vegnir pajada immediatamain.

Art. 20

Relasch da taglia

Davart las dumondas da relasch e davart las amortisaziuns administrativas decidan:

- a) l'uffizi communal da taglia fin a l'import da 1'000.00 francs per onn;
- b) la suprastanza communal per ils imports che surpissan questa summa.

3. INDEMNISAZIUN

Art. 21

La vischnanca da Laax vegn indemnizada da las baselgias chantunales e dals cumins-baselgia cun 2 pertschient da las taglias ch'èn vegnidas incassadas.

IV. Disposizuns finalas

Art. 22

¹ Per l'interpretaziun da questa lescha ei il text tudestg decisiv. Interpretaziun

² La lescha qua avant maun è vegnida acceptada ils 12 da december 2007 da la radunanza communal. Ella entra en vigur il 1. da schaner 2009. Entrada en vigur

³ Cun l'entrada en vigur da la lescha qua avant maun è abolidas tut las disposiziuns d'auters relaschs che stattan en cuntradicziun cun ella. Quei vala oravantut per la lescha da taglia dalla vischnanca da Laax dil 1. da schaner 1998.

7031 Laax, 13 da december 2007

Il president communal:

Il scarvon:

T. Camathias

R.G. Coray

Approbau entras la Regenza dil chantun Grischun ils 27 da matg 2008, protocoll nr. 643.

Il president:

Il chancelier:

St. Engler

Dr. C. Riesen